

تخيل لو .. الحلقة (50) .. #ذَلِكَ هُدَى اللّهِ .. د . حازم شومان

حازم شومان

بسم الله الرحمن الرحيم. قل هذه سبيلي ادعو على بصيرة انا ومن اتبعني وسبحان الله وما انا من اللهم لك الحمد العظيم. كما ينبغي لجلال وجهك العظيم. ولك الحمد العظيم. كما ينبغي لانعامك العظيم. ولك - 00:00:00

العظيم كما ينبغي لملكك العظيم. اللهم لك الحمد العظيم عدد خلقك العظيم. وزنة عرشك العظيم واصلي واسلم على حبيبي وشفيعي محمد. صلى الله عليه وسلم. ثم اما بعد. فدرس النهاردة يا جماعة ان شاء الله - 00:00:47

نوع من التخيلات عايزين نتخيل مع بعض مجموعة من التخيلات. ولكن خد بالك انت لما بتعيش في الخيال مع نفسك بتبقى عايز تهرب من الواقع. انا النهاردة التخيلات اللي عايزك - 00:01:07

متخيلة معي هتخليك تفوق على الواقع. هتخليك تفوق على وقائع هتحصل لنا في يوم من الايام واحنا مش واخدين بالناس. او بنتناساها او غافلين عنها. مش معنى انك انت ما بتفكرش في القبر وانك انت مش هتدخله في يوم من الايام. مش معنى انك انت ما تفكرش في يوم القيامة انك مش هتلاقي نفسك فيه في لحظة من اللحظات. مش معنى ان احنا ما بنفكرش في الصلاة - 00:01:17

ان مش هتلاقي نفسنا قدام وفي لحزة من اللحظات ومطلوب ان احنا نعديه. يا جماعة لو الوقت عندك قطر الساعة ستة والساعة ستة الاربعة وانت لسة نائم. وانا بصحيك اصحى - 00:01:37

ياه وانت متضايق مخنوق يا اخي سبني انا. يا ابني اصحى القطر هيفوت عليك. وانت خلاص. بس اول ما بتصحى الحمد لله ان انا فقت تاني يا دوب عمرك لحقت بالعافية. فيا جماعة احنا عايزين نفوق. تخيلات درس النهاردة هدفها ان احنا نفوق يا جماعة. انا بكلم مين ؟ جاي النهاردة اكلم اخواتي الشباب. اخواتي اللي قلوبنا - 00:01:47

كلنا والله بنتقطع على احوالهم. اخواتي الشباب انا جاي اكلم الشاب اللي قاعد سهران طول الليلة امبارح مع اصحابه وقعد بعد ما رجع من اصحابه عالشيت للساعة ثمانية الصبح بعد كده نام لسه صاحي من شوية وقعد الوقت قدام التلفزيون ان كان قاعد وهو مش قادر يفتح عينيه. بكلم اختي اللي كل يوم بتنزل الايام دي تتفرج على اخر البنات - 00:02:07

واخر الموديلات واخر الازياء. عشان الجامعة بعد ايام عشان تدخل الحرم الجامعي تنتهك كل حرمة من حرمة الله سبحانه وتعالى فيها. بكلم شباب اللي معتقدين انهم حلوا كل مشاكل دينهم ودنيتهم واخرتهم وما عدش غير مشاكل الاغاني والعربيات والموبايلات. بكلم البنات اللي معتقدين انهم حلوا كل مشاكل دينهم - 00:02:27

ودنيتهم واخرتهم ومعتقدين ان ما عادش غير مشاكل الحب. بكلم المغني اللي صديقه عمره مات قدام عينيه وما بيلعبوا اسكواش مع بعض. وفاء يومين وبعد كده رجع اصعب مما كان واعصى الله مما كان. بكلم اللعيب اللي صاحبه وزميله مات قدام عينيك في الملعب وكان داخل زي الحصان. عشرة دكاترة كاشفين عليه قبل - 00:02:47

قبل ما يدخل ولكن مات قدامه في لحزة وما قدرش يعمل له حاجة. فاق يومين وبعد كده رجع تاني اصعب مما كان. بكلم الشاب اللي صاحبه وانتيمه قال له تعال نخرج. ده انا عندي - 00:03:07

حلوة الليلة. قال له يا اخي سبحان الله يا يعني بكرة بقى. قال له لا لا لا. قال له معلش انا مشغول. بكرة اخرج معك. والساعة اتنين بالليل جا له مكالمة. صاحبك عمل حادثة - 00:03:17

الطريق السريع ومات تعال انزل صل عليه. انا جاي الليلة يا جماعة. النهاردة الخميس يا جماعة. النهاردة الخميس في واقع الشباب كلمة النهاردة الخميس دي كلمة كبيرة. يعني ليلة خميس. ده - 00:03:27

المصطلح بتاع الشباب ليلة خميس يعني ايه ليلة خميس؟ ليلة خميس يعني تلاقي شباب متفقيين ومربطين مع بعض هنطلع النهاردة على المصيف. وشباب والشباب منهم مرتبط مع اللي حبها عشان يخرج معها. وواحد قاعد الوقتي على الشات لسة صاحي عشان يرتب مع اصحابه الخروج بتاعة النهاردة. وواحد قاعد يقلب على القنوات الفضائية وهو لسة صاحي. انا طالع في وشه - [00:03:37](#)

وواحد مجموعة شباب مأجرين ودافعين فلوس في ملاعب كورة عشان يقضوا طول الليلة لعب. وشباب مركب طقم صوت بكزا الف جنيه في العربية. عشان ليلة الخميس دي بالزات ليلة خميس يا عم ينزل يزلزل الشوارع بطقم الصوت بتاع العربية. ليلة خميس يا جماعة. فدرس النهاردة مجموعة من التخيلات. ولكن انا عايزك تعيش معي - [00:03:57](#)

لازم تركز معها وتعيش بقلبك كل ما هتعيش معي. كل ما فعلا هتحس باللي انا عايز اوصله لك. اول تخيل عايزك تتخيله معي. تخيل لو دخلت لجنة امتحان دخلت اللجنة بتبص على الاسئلة لقيت الاسئلة سهلة. الله دي اسئلة سهلة. طب وابدأ اجابو بتبص على ورق على وقت الاجابة ما لقتش وقت مكتوب. فتعبت ناديت - [00:04:17](#)

على المراقب الامتحان ده وقته قد ايه؟ قال لك لا لا لا الامتحان ده ما لوش وقت. يعني ايه ما لوش وقت؟ ممكن الورقة تتشد بعد خمس دقائق. وممكن تقعد سنين - [00:04:37](#)

الورقة بتاعتك موجودة معك. يعني ايه؟ يعني جاوب واجتهد وما لناش دعوة. فبدأت تتربع. فبدأت تمسك الورقة وانت مرعوب وتبدأ تجاوب بسرعة بسرعة بسرعة. فجأة سمعت صوت على يمينك كان فيه ايه؟ لقيت شباب قاعدين يلعبوا وقاعدين يطبلوا وقاعدين يهيصوا. ايه يا عم فيه ايه! ده احنا في امتحان يا جماعة! واحد كده بدأت تفكر كده! والله ده شكلهم - [00:04:47](#)

الناس دي اما ارواح اللعب معهم يا اخي شوية وبعد كده ابقى ارجع اجاوب مش مشكلة. شوية يا عم اللعب معهم واعيش. الامتحان شوية وبعد كده ارجع اجاوب. طب بعد كده ليه انت قلت طب - [00:05:07](#)

بصوا برضه على باقي الطلبة بيعملوا ايه؟ بتبص لقيت في ناس وسطها مقطوم على المكتب. قاعدة تكتب تكتب تكتب. قلت لا لا لا ده الناس دي هي اللي صح وهي اللي فايقة - [00:05:17](#)

جيت لسة بتكتب لقيت صوت جاي من على الناحية اللي بيلعبوا فيها. فيه ايه! المراقب فجأة شد ورقة واحد منهم. ولقيت الطالب فجأة بعد ما كان قاعد يلعب بيصوت. بيقول له طب - [00:05:27](#)

انتم مديني خمس دقائق خلاص شد الورقة واتجرجر برة اللجنة غصب عنه. شوية ولقيت المراقب راح لواء طالب من اللي قاعدين يجاوبوا خد الورقة. الطالب هو اللي اداها له كل يسر وسهولة اديها له وهو فرحان. واستغربت جدا والطالب طالع يجري فرحان. بيجري كان في حاجة مستنياه برة باب اللجنة مشتاق ان هو يجري لها - [00:05:37](#)

انتم فهمتم المسل بتاعنا يا جماعة؟ يا جماعة احنا في امتحان. احنا في امتحان والله العزيم احنا مش في فسحة. اللي يبص على منزر الناس والشباب دلوقتي يتهانوا ان احنا في فسحة. احنا مش فسحة. احنا - [00:05:57](#)

امتحان وفيه ملكين بيكتبوا علينا كل اجابة. والوقت بيعدي. والورق ممكن تشد في اي لحزة. احنا في امتحان ياه! ده غير ان احنا في امتحان. الاسئلة بتاعة الامتحان كل بنت بتمر عليك سؤال يا تبص لها تجاوب غلط يا اما تغض بصرك تجاوب صح. كل ادان فجر سؤال كل شاب بيعاكسك سؤال - [00:06:07](#)

كل اغنية في اي قناة فضائية سؤال. كل حاجة يا جماعة بتمر علينا في حنة. سؤال يا بيكتبها ملك اليمين. يا بيكتبها ملك الشمال. يا بتتكتب صح هي بتتكتب غلط. سؤال وهي تحاسب عليه هيتصحح؟ اه. هيتصحح في قد ايه يعني؟ ورقة امتحان الدنيا بتتصحح في ربع ساعة. هيتصحح في خمسين الف سنة - [00:06:27](#)

ورقة الصحف خمسين الف سنة ده هتصحح بالحرف. استنى وما فيش دور ثاني. يعني ايه؟ لأ وخد بالك اللي بيسقط مش بيترفد. بتشوفه جهنم والعايز يعني يا جماعة الموضوع جد يا جماعة. خد بالك اوعى اوعى اوعى تبص للي بيلعبوا. اي والله. الورقة بتتشد فجأة يعني فيه موت فجأة. الموت بيجي فجأة - [00:06:47](#)

اوعى تبوس اوعى يدحكوا عليك. اوعى تلعب مع اللي بيلعبوا. اوعى يا اخت تلعب مع اللي بيلعبوا والله. اوعوا يا شباب تلعبوا مع

الناس اللي واخداها لعب. وناسيين ان احنا في امتحان. لان الورقة - 00:07:07

تتشد في اي لحزة اتشدت من شاب مع بنت على الطريق السريع الساعة اتنين بالليل. واتشدت من شاب وهو بيشم شمة زيادة اتشدت منه في لحظتها. واتشدت من شباب فقط - 00:07:17

عقلهم وهيفضلوا طول عمرهم والعباز بالله في مستشفى الامراض العقلية. بسبب جرعات المخدرات الزائدة اللي كانوا بياخدوها اسرت على دماغهم. واتشدت من شباب جالهم امراض وماتوا بسببها ياما اتشدت يا جماعة ياما والله كنت لسة في جنازة من عدة ايام جنازة شاب ربنا يغفر له ويرحمه يا رب عنده تمتاشر سنة تمتاشر سنة - 00:07:27

ده لسة حتى يعني في اول الشباب ما لهاش معاد. الموت ما لوش سن. والموت مش بالصحة والمرض. اللعيب اللي زي الحصان نازل الملعب ومات. ثلاث اربع لعيبة السنة اللي فاتت في - 00:07:47

ملعب معناها ان الموضوع مش صح ومرض برضه. ما فيش حد صحته احسن من ده. يعني كان فيه شاب طالع مع مجموعة شباب كده طالعة. طالعين طالعة لقرية ساحية ناويين نية يعني. ناويين ايه سودا - 00:07:57

وهم طالعين فالشاب ده يعني كان فيه خير وربنا يريد به الخير. فهم ماشيين فالمفروض فيه يافطة يعني مسلا ثلاثين كيلو على قرية كزا. يافطة عشرين كيلو على قرية كزا. يافطة - 00:08:07

عشرة كيلو. فصاحبنا ببص فجأة كده على اليافطة لقي نفسه بيقرأ كلمة مش عارف ايه ده. عشرين كيلو على جهنم. آآ والله يا جماعة احيانا يعني ممكن تحصل ان انت - 00:08:17

عينك فجأة تجيب طيبة مش مكتوبة. او كلمة على حيلة مش مكتوبة. وبعد كده خمستاشر كيلو على جهنم. الشب اتربع. لأ. نزلوني نزلوني. القصة دي حقيقية وحصلت ازاى يا ابني ده احنا هننزلك هنا ازاى؟ نزلوني. نزل وعدى على الرصيف الثاني واستنى عربية عشان تعدي به. ما فيش عربيات. خمس دقائق عشر دقائق نص ساعة - 00:08:27

لغاية ما جت اول عربية فيقول للراجل هو فيه ايه؟ هو العربيات راحت فين؟ قال له ده فيه حادثة مجموعة من الشباب عملوا حادثة عند مدخل القرية وكلهم ربنا يعافينا يا رب. اي والله. اهو ده ربنا انقزه في اخر لحزة يا جماعة. يعني مرة احد الناس اتصلوا بي وكانوا مذعورين. في واحد قريتهم مات. هو مات ولا لأ؟ تعال - 00:08:47

اكشف عليه شف مات ولا لأ. فرحت بسرعة اقيس الضغط صفر. اقيس النبض صفر ما فيش. والراجل ميت ده كان تاجر مليونير. وفكر مال فكر مال يعني ما تشوفيش بيصلي. كل حياته ان هو يجمع مال خلاص. الراجل مرمي جسة هامة وجنبه كيس البيست والشفاطة اللي فيه كان لسة بيخطر. وجنبه الجبن والعيش بتاعها - 00:09:07

واخذ لقمة ولقمة متاخدة. سبحان الله! تشوف المنزر جسمك يقف! ايه يا جماعة ده! فجأة الورقة اتشدت فجأة! ما تعرفش امتى الورقة ممكن تتشد منك! فلازم تاخذ بالك على انت دلوقتى الشباب اللي بيدخلوا على موقع اسلامية يشوفوا منزر واحد شيخ كان متسجل له لقاء بالفيديو في المسجد الراجل وهو في وسط اللقاء فجأة - 00:09:27

غمض عينه كده وقام عامل كده. بس في لحزة خرجت روحه تسيل كما تسيل القطرة. ايه الراجل مات قدام عنيانا كلنا واحنا بنتفرج عليه. مات وهو بيتكلم عن ربنا اتشدت الورقة وهو بيتكلم عن ربنا. ما تعرفش الورقة ممكن تتشد امتى؟ خد بالك. والناس اللي وسطها مقطوم وقاعدة تجاوب دي. اللي انتقبت احسن منك في ايه - 00:09:47

اللي التزم وبقت صحته كلها في دين ربنا احسن منك في ايه؟ الشاب اللي تاب له ربنا وبطل بقى بطل بركة الطين بتاعة المعاصي. احسن منك في ايه؟ الناس اللي - 00:10:07

منطلقين الوقت لربنا وناويين في رمضان انهم يعني ينحلوا جلدة المصحف من كتر القراءة. احسن مني ومنك في ايه؟ يا جماعة لازم ناخذ بالنا من التخیل الخطير ده تخيل ان فعلا اوعى اوعى تلعب مع اللي بيلعبوا. اوعى تلعب مع اللي بيلعبوا. الورقة ممكن تتشد في اي لحزة والله العزيم. ولو اتشدت يعني - 00:10:17

شاب صاحبي كان يعني معدي بالعربية بتاعته من قدام ماتش كورة وهو خارج. يعني بيقول الشباب طبعاً بقى الوفاً بقى فقاعدين

يركبوا على سوق في الميكروباصات وقع من على الميكروباص على على الكوبري وقع من على الكوبري ويقول شفته بعيني جسة قدام عيني. في لحزة الورقة بتتشد. امتى ما تعرفش؟ يبقى لازم تستعد في اي لحزة - [00:10:37](#)

التخيل الثاني. انا عايزك تتخيل معي. التخيل ده خطير جدا. فتخيل معي ان النبي عليه الصلاة والسلام وهو راجع من الطائف. راجع من الطائف. تخيل النبي راجع من الطائف بقى - [00:10:57](#)

بدل ما يرجع على مكة رجع علينا بقدرة الله. رجع من الطائف رجليه حافية ومتكسرة من كتر الطوب اللي اترمى فيه وجسمه متعور من كتر الحجارة ان النبي عليه الصلاة والسلام اضرب بها. متخيل ماشي تسعين كيلو على رجليه في الحر وجعان وتعبان. ومقدم اقصى تضحيات ممكن مخلوق يقدمها لاجل الله عشان الدعوة - [00:11:07](#)

عشاني وعشانك. متخيل! تخيل معي لو النبي ربنا بعسه لاي سبب في الوقت ده. مشي في شوارع المسلمين ايه ده! عدى على الصيابر. عدى على الكافيه شوبس. عدى على المباريات - [00:11:27](#)

والشباب قاعدين من عشرة الصبح لغاية العشاء ما صلوش لا ظهر ولا عصر ولا مغرب ولا عشاء. عشان المباراة في الاخر. تخيل ان هو عدى على الكوافيرات وعدى على النوادي - [00:11:37](#)

وعدي على المصايف واعدي على الكورنيش مين دول! انا ما اعرفش دول! انا اخر منزر شفته بعيني لما رفعت الستارة وكان الصحابة اللي ربطهم على ايديا واقفين بيصلوا وده بيبكي وده بيعيط وده بيرتجف وده خاشع. ابتسمت ساعتها. وعرفت ان انا عمري دي دول سمرة حياتي. عرفت ان انا هاموت وانا مطمئن على الامة دي. انما - [00:11:47](#)

مين دول؟ دول مش المنزر اللي انا شفته قبل ما اموت. طب النبي عليه الصلاة والسلام فكر. طب يروح لبيت واحد مننا يسأله مين دول؟ دول مسلمين ولا دول ايه؟ - [00:12:07](#)

النبي عليه الصلاة والسلام خبط على بابك انت. او على بابك انت. متخيل! تخيل معي ان الوقتي الشاب الجميل كده يا شاب تخيل ان انت قاعد دلوقتى وقاعد بتكلمها في - [00:12:17](#)

تليفون واحد قدامك انت وقاعد تشيك وقاعد على الدش فيه كليب شغال. وانت قاعد منهمج فجأة الباب خبط. وانت قاعدة بتسرحي وقاعدة تحطي البرفان وقاعدة وايد ماسكة قلم الكحل وايد ماسكة ازاة البرفان ومستعجلة. عشان المعاد اللي وراك. فجأة الباب خبط. جريت وجريت على الباب. بتبص من العين السحرية. لقيت واحد وشه - [00:12:27](#)

بيبخ نور وعليه وقار الدنيا كلها. انت مين؟ مين؟ مين؟ مين اللي على الباب؟ انا رسول الله. رسول الله محمد بن عبدالله. حبيب قلبي. حبيب يا رسول الله بتمد ايديك تفتح الباب ايه ده؟ هقابل الرسول ازاى وانت وقفت اتسمرت في مكانك؟ هقابل الرسول ازاى؟ ما اقدرش اقبله بشعر كده ده انا لسة ضرباه في الخياط - [00:12:47](#)

النهاردة اقبله ازاى وشعري مضروب في الخياط؟ جريتي تدوري على اي طرحة؟ الطرحة دي تنفع ما ينفعش. طرحة سبانيش ما تنفعش مع ما ينفعش انا عايزة طرحة زي بتاعة امهات المؤمنين. جريت - [00:13:07](#)

تدوري في الاخر لقيت الطرحة اللي والدتك بتلبسها ساعة ما تيجي تصلي تنفع. وانت جريت بسرعة قفلت المكالمة من غير ما تسلم على اللي انت بتكلم معها جريت بسرعة جيت تقفل القناة الفضائية اللي انت مشغلها قلبت على قناة اسفلت وطلع الصوت عالي في الشقة يادي الفضايح. قمت مادد ايدك على فيشة المشترك - [00:13:17](#)

شلت الفيشة بتاعة كل الاجهزة اللي شغالة. وبعد كده جريت على الباب. جريت تفتح لرسول الله والباب ببخبط. والرسول ببخبط انا هافتح اهو يا رسول الله. انت جريتي على الباب - [00:13:37](#)

انت جاية تفتحي ياه يا دي اليوم ده انا اللبس ده ما ينفعش اقبال به النبي. اللبس ده انا باضحك على الناس وباقول لهم انا محبة به. انما انا عارفة انه ما هوش حجاب. جريت الدورة على - [00:13:47](#)

في حاجة سترة ما ينفعش ده بنطلون وده بودي وده برمادا وده استريتش ما ينفعش الكلام ده. بالعافية اما لقيت جلايبية عرفتي تلبسها تحت الحجاب وجريتي وانت لسه باب يا الهي المكياج الميك اب اللي انا بقى لي ساعتين باحط فيه. طب اعمل ايه؟ جريت

بسرعة تغسلي وشك عشان كل الميكاب ده يروح. وانت جاية - 00:13:57

تجري لقيتي شنطتك قدامك. طب افرض النبي سألني على اللي في شنطتي. انا ما اعرفش النبي عايز يسألني عن ايه. لو سألني مين صورة ده؟ مين ده مين ده؟ هقول له ايه؟ ده مغني؟ انا بحب صورته - 00:14:17

كممسل انا عين السلطة هقول له ايه؟ بسرعة رميت الصور وانت بتجري ياه! انت كنت ساعتها بتخبط النبي عليه الصلاة والسلام بيخبط على الباب وانت بتجري عايز تفتح الباب - 00:14:27

وانت بتجري افتكرت الصور بتاعتك اللي انت معلقها في كل حطة في الاوضة بتاعتك. النبي لما يسألني مين دول اقول له ايه؟ جريت تشيل صورة المغني ليه والممسل دوت؟ جريت تشيل وتقطع - 00:14:37

وانت بتبص على الصور اول مرة في حياتك. مين دول؟ ازاى دول علق صورتهم؟ هم دول القدوة بتاعتي في الحياة وانت بتجيب صورة الصورة بتوقع على لقيتها وقعت على شرايط الاغاني العربي والاجنبي. ايه ده! اول مرة تكتشف ان في شرايط انت ما انتاش عارف تقرا عنوانها اصلا. العناوين الاجنبية بتاعتها انت مش عارف ايه اللي فيها. شلت كل - 00:14:47

في الزبالة في الزبالة على طول. وقفلت عليه الزبالة وجريت. جريت وانت جارية بتفتحي لرسول الله! طب والبرفان اللي حطيته! ده ده عايز استحمى ده الحمد لله ما كنتش حطيت البرفان لسه. وانت بتجري بتزرر زراية القميص بسرعة وبتقفله وبتشيل السلسلة من رقبتك. وبتفتح الباب ما لقتش النبي. عليه الصلاة - 00:15:07

النبي راح فين؟ انت كنت هتتجنني النبي راح فين؟ بتبص من بير السلم النبي اهو لسة نازل يا رسول الله. انا فتحت يا رسول الله خلاص يا رسول الله - 00:15:27

رسول الله لما فتحت النبي عليه الصلاة والسلام لما سمع صوتك وسمع ان انت عارفه فطلع. طلع النبي ودخل الشقة. اول ما دخل رسول الله صلى الله عليه وسلم ايه ده! يا الهي! نسيت السجارة مولعة! جريت بسرعة عشان تطفي السجارة قبل ما النبي يسألك! وعلبة فالنبي عليه الصلاة والسلام يعني فجأة - 00:15:37

المحمول رن اول مرة المحمول طول عمره بيرن كل خمس دقائق. اول مرة تكتشف ان الرنة دي ازاى دي الرنة بتاعتي؟ ازاى دي رنة المحمول بتاعي؟ بتبص على الرقم كان قلبك - 00:15:57

اقف هاقول للنبي ايه قعدت تلغي والرقم يرن وتلغي. لقيتها بتتصل بك على البيت. هتقول للنبي ايه؟ هتقول له الصدق لا يمكن. هتكذب عليه؟ لا يمكن. طب هتعمل ايه النبي وهو قاعد يببص لك. قال لك هات لي المصحف اللي في جيبك ده كده. قلت له يا رسول الله ده مش مصحف يا رسول الله. ده علبة - 00:16:07

سجاير يا رسول الله ياه! ياه! ده علبة سجاير! يا ريتك كان مصحف والله يا رسول الله! يا ريتك كان مصحف! تخيل ساعتها وانت قاعدين ادن الاذان ادن الله اكبر. طبعا النبي هينزل يصلي في الجامع. انت هتنزل تصلي في الجامع! لو انت ما بتصليش في الجامع هتنزل نفاق للنبي. ولو انت يبقى - 00:16:27

وانت ما بتصليش هتنزل لا يمكن تنافق. لا يمكن تنافق رسول الله. طب ما تعمل ايه في الموقف اللي انت فيه ده؟ يا جماعة عايزين نتخيل التحويل اللي بين ايدينا الوقت ده. هنعمل ايه؟ انت عارف النبي هيعمل فيك ايه - 00:16:47

عارف النبي هيعمل فيك ايه؟ انت متوقع انه هيغضب منك. متوقعة ان وشه هيحمر وهيقول لك مش ده الاسلام ومش ده الدين. لا يا جماعة مش هيعمل كده. عارف النبي - 00:16:57

اعمل ايه هياخدك وهيحضنك وهيبيكي لغاية ما عينيه تبقى هتتخلع من البكا. ويقول لك انا ما ضحيتش بعمرى كله عشان تطلع كده. انا ما سب عمري كله عشان انت تطلعي كده لأ. انا عمري كله عشان انت تطلع مسلم صح زي ابو بكر وعمر. وهتلاقي النبي بيحضنك وبيقول لك طب اشفع لك عند ربنا ازاى؟ فبقول - 00:17:07

وربنا ايه لما انت تيجي لي بكل اللي معك ده وهاقول له ايه؟ هاقول لربنا عنك ايه؟ ما هو النبي عليه الصلاة والسلام بيقول لا يأتيني احدكم بناقة يحملها على كتفه - 00:17:27

متخيل ناقة سرقها ولا ما طلعت زكاتها يقول انقزني يا رسول الله. فاقول لا املك لك من الله شيئا. تيجي له بعلبة هدايا وجوابات في علاقة عاطفية انقزني يا رسول الله. لا املك لك من الله شيئا. تيجي لي معك دولا. تيجي الرسول معك دولا. بدي هات وبرمضة. انجدني يا رب - [00:17:37](#)

رسول الله تروح للنبي وانت معك هارد ديسك محمل كليبات. انجدني يا رسول الله. تروح للنبي وانت معك علبة كرتونة مليانة شرايط اغاني كل اغنية في كل سمعتها اكثر من ميت مرة انجدني يا رسول الله تروح للنبي وانت معك فول ميموري بنات في الموبايل بتاعك واحدة واحدة لك قصة معها. اغثني يا رسول - [00:17:57](#)

تروح للنبي بخمسميت علبة سجائر لا املك لك من الله شيئا. قد بلغت! تخيل يا جماعة! متخيلين معي! انا عايزك تخيل ان مش ده النبي. انا عايزك تتخيل ان ده ملك الموت. ملك الموت مش هيسيبك تجري. مش هيسيبك تجري تغطي وتلبسي وتشيلي. ملك الموت مش هيسيبك - [00:18:17](#)

ملك الموت هياخدك على الحالة اللي انت فيها في نفس اللحظة اللي جه فيها. وملك الموت مش هيخبط ومش هيستنى. ملك الموت هيدخل على طول. مين فينا جاهز يا جماعة مستعد انك انت مين فينا متوقع ان ممكن النهاردة قاعد بيسمع وبالليل مش هيبات في بيته هيبات في القبر. مين فينا مين طب لو يعني لو انت - [00:18:37](#)

انك انت هتموت بكرة هتعمل ايه؟ ياه! ده انا هاعمل كل حاجة. طب ما تعمل من والدي. طب ما تشتغل من وقتي. السلف كان منهم الواحد يحفر لنفسه قبر. يحفر - [00:18:57](#)

يدخل فيه ويقفل على نفسه ويقعد يقول رب ارجعون. رب ارجعون. ربي ارجعون. وبعد كده يخرج من القبر ويقول شف انت قلت رب ارجعون وقد ارجعتك الله. فاعمل صالحا قبل ان تقولها فلا يستجاب لك. تخيل تخيل معي - [00:19:07](#)

هي لو النبي جا لك بقى وانت صالح. وانت صالحة وحجابك كده منور على وشك ملكة ملكة في الحجاب بتاعك. تخيل والنبي دخل عليك ولنة المحمول دعاء جميل بصوت جميل - [00:19:27](#)

وصحابك جم يزوروك ساعتها شف يا رسول الله صحابي شف يا رسول الله صاحباتي يا رسول الله شكلهم يشرفني قدامك في الدنيا وفي الآخرة. ومعك كتب وشرايط ومطويات دي يا رسول الله انا باسمعها وبادعو بها الى الله على منهجك وعلى طريقك يا رسول الله. وشف الشريط اللي في الكاسيت شريط دين. وشف يا رسول الله الكمبيوتر بتاع الارض - [00:19:37](#)

مليان حاجات دينية ازاي. وشف يا رسول الله وشف يا رسول الله. وانت فرحان. شاب صاحبنا. شاب يعني راح يوقف شلة شباب يكلمهم في الشارع جولة. يعني بيكلم شباب في الشارع - [00:19:57](#)

فاول ما شافوه كده ايه الدقن كده فبدأوا ايه يا عم عايزين نخلص منه فواحد آآ يقول له انت اسمك ايه؟ قال له انا مش مسلم. وانت مايكل انت مش عارف ايه وانت قال لهم كده ياه يعني انت بتسمي نفسك كده عشان ما اكلمكش عن ربنا. تصدقه بالله؟ انتم لو رسول الله كان مكاني الوقتي - [00:20:07](#)

وعرف ان انت مايكل وان انت كذا والله هيفرح. استغفر الله العزيم. مش هيفرح. بس النبي لو كان عارف ان انت محمد وانت احمد كان قلبه هيتقهر ان ده منزر محمد وان ده منزر احمد. ان ده محمد وده احمد كان هيتقهر على التضحية اللي اقدمها وفي الآخر طلع ده محمد وده احمد وده ابراهيم. فكويس ان انت كده. كويس - [00:20:27](#)

ازنكم كده يا جماعة. العيال عيطوا وهو واقف معهم. عيطوا بس سابهم ومشى. بقى انت تقبل انك تقول على نفسك كده. يا جماعة يا جماعة الكلام اللي باقول لكم ده مش تخيلات. انت فعلا هتقابل - [00:20:47](#)

وهتقابه بكل المنزر اللي انت عايش فيه حسب ما يكون طاعة او معصية. يا جماعة طاعتك ومعصيتك من لحزة ما بتموت ما بتفارقكش. ما بتفارقكش ازاي؟ في الموت يعني باتحاسب عليها لا ما بتفارقكشي ما بتفارقكشي في القبر ييجي واحد لو انت راجل صالح انا عمك الصالح. ولو واحدة عاصية - [00:20:57](#)

انا عمك السيء. انت عارف يعني ايه انا عمك؟ انا عمك. يعني انا انا يعني ايه عمك؟ وش المنور ده صلاتك. عيني الجميلة ديت

دموعك من خشية الله. ريحة الجميلة داهية ريحة الصوم بتاعتك. الصوت الجميل ده تلاوتك للقرآن في قيام الليل. انا عمك السيء -

[00:21:17](#)

الوش الاسود التقصير في الصلاة. الصوت الوحش سماع الاغاني. الريحة الوحشة للمخدرات والسجائر. انت عارف يعني ايه انا عمك الصالح او انا عمك السيء؟ يعني عمك في صورة انسان. كل ما تبص له ملمح ملمح منه بيذكرك بمعصية عملتها. كان ربنا بيحط معك

[00:21:37](#) حاجة تفكرك طول القبر -

ايا ما كان صالح او فاجر. تبص له كده تفكر دعوتك الى الله. وجهادك في سبيل الله وحجابك ونقابك. وانت لو عاوز تبص له تفكر اطلاقك للبصر والمحرم عشان يفضل الواحد يتعزب بمعاصيه عزاب نفسي طول ما هو في القبر. طب ويوم ما يقوم يوم ما يقوم كل

[00:21:57](#) اللي انت عملته ببيان عليك -

ببيان على الشدة. على حسب كمية العرق اللي الواحد بيعرقها يوم القيامة ببيان عليه. على حسب نوع الملائكة اللي حواله ببيان

[00:22:17](#) عليه. فلما تروح للنبي عليه الصلاة والسلام على الصراط -

النبي عليه الصلاة والسلام بيبقى عارف بالزبط انت عملت ايه. طيب وساعة العرض ساعة الحوض ساعة ما تروح للنبي. ربنا سبحانه وتعالى يقول يحملون اوزارهم على ظهورهم. شاي كل ده ورايح للنبي عليه الصلاة والسلام. هيعرف على طول. يبقى ده مش تخيل

[00:22:27](#) يا جماعة. ده حقيقة والله العظيم -

التخيل اللي بعد كده بعد تخيل ان احنا في امتحان واحنا فعلا في امتحان. دي مش تخيلات. وبعد التخيل الثاني اللي هو لو النبي

[00:22:47](#) عليه الصلاة والسلام جه زارك في بيتك -

هيقول عليك ايه وهيبقى انطباعه عنك ايه؟ التخيل الثالث القصة دي مش قصة من الف ليلة وليلة. قصة حقيقية النبي حكاهنا لنا.

ثلاثة كانوا ماشيين في طريق طريق جبلي من على جبل. الليل دخل عليهم وهم مسافرين. دخلوا غار عشان يناموا فيه. ناموا فيه

[00:22:57](#) الدنيا بتشتي نزلة صخرة سدت باب الغار -

فجأة كده صخرة قد مدينة الانتاج الاعلامي اللي احنا فيها دي. قد الاستوديو اللي احنا فيه ده. صخرة سدت خلاص ما تقدرش تعمل

[00:23:17](#) حاجة. مش اسانسير اتقفلك عليك والراجل هيكتشفه بعد شوية -

ده صخرة قفلت في جبل. ممكن واحد يفكر يقول انا معي مش ذات ولا لأ؟ انا فترة السماح ولا لأ؟ يا خسارة انا ما شحنتش النهاردة

[00:23:27](#) كان هيبقى معي رصيد. انما -

دول قالوا ايه؟ توجهوا الى الله بصالح اعمالكم. واحد وقف قال له يا رب توجه الى الله ببر امه وابوه. ربنا فتح حنة من الصلاة واحد

[00:23:37](#) ثاني قال يا رب كان قدامه ان هو يقع في الزنا من امرأة جميلة في عينيه وبيحبها اشد الحب ولكن قالت له اتق الله -

كلمتين يا جماعة احنا فينا ناس سمعت مية درس عن الجنة والنار وما تابتش. هو سمع كلمتين تاب الى الله. تاب الى الله شهوة

معروضة قدامه. واحد تالت توسل الى الله بامانته بامانته مع الخلق. ربنا فتح الصخرة. يعني من كذا سنة المقطم وقعت منه حنة.

[00:23:57](#) الصخر وقع -

على الناس من معاصيهم. وهنا الصخر اتفتح للناس من طاعتهم. الصخر بالمعاصي يقع ويخسف. والصخرة بالطاعات يتفتح. شف

والمعصية قوية ازاي؟ شوفوا قوة المعصية في تعذيب اهلها وقوة الطاعة في رفع واکرام اهلها. ياه! ياه! تخيل بقى! ايه التخيل اللي -

[00:24:17](#)

اللي انا عايز اقله لك ماذا لو كنت رابعهم؟ لو انت رقم اربعة فيهم هتقولي ايه؟ ايه العمل ايه الرصيد اللي لك عند ربنا يفتح لك به

الصخرة من وشك. الشاب اللي شاف عشرين كيلو جهنم عشرة كيلو جهنم ده. ده بالتاكيد كان له رصيد عند ربنا. خلاه يشوف اية قبل

[00:24:37](#) ما ربنا سبحانه وتعالى -

وزنوبه. متخيل يا حبيب قلبي او ممكن كان شاب يا جماعة احنا عايزين نعامل الملك سبحانه وتعالى. الملك العظيم اللي ما تعرفش

يقدر يعمل لك ايه لو ويقدر يعمل فيك وفيك ايه لو عصيته. تخيل لو ياه يا اللي اللبس اتضايق اغلى عندك من ربنا. يا اللي فتنة

الشباب بك اعلی عندك - 00:24:57

ربنا يا اللي المكياج اعلی عندك من ربنا. يا اللي البنات اعلی عندك من ربنا. يا اللي الشات والكلييات شغلة عندك من ربنا. يا اللي النادي اعلی عندك من ربنا. يا - 00:25:17

القهوة وشلة القهوة والرحلات المختلطة اعلی عندك من ربنا. ماذا لو كنت رابعهم؟ ده التخیل التالت يا جماعة. التخیل الرابع معي انا عايزك تتخیل لو انت تعرضت لتجربة زي اللي اتعرض لها سيدنا مصعب ابن عمير. متخیل! سيدنا مصعب وهو شاب كده شاب وعاش حياته وابن ناس بهوات - 00:25:27

يعني لو الوقت كده العربية ومفتاح العربية معه مش اي عربية وشقة فاضية. واشتراك في اي نادي ومش اي موبايل ومش اي ده ده عايش بقى شاب عايش وفجأة ماشي ورايح - 00:25:47

سهر ولا رايح حاجة يلاقي تخيل انت معي كده انا عايزك انت اللي تعيش معي في المسل ده. وانت ماشي كده ورايح اي سهرة ولا رايح اي مكان. لقيت واحد شكله مهيب - 00:25:57

مهيب واقف قدامك. انت مين؟ انا نبي. يعني ايه نبي؟ يعني الله ارسلي. الله ارسلك لمين؟ لكم لينا احنا! ليه؟ عشان انقز الناس قبل ما يهلكوا. عشان الحق الناس قبل ما يغرقوا. عشان انجد الناس قبل ما معاصيهم توديهم جهنم. يعني - 00:26:07

ايه هو الناس اللي بيعملوه ده غلط كله غلط. كله غلط؟ كله. طب والحل ايه؟ انك تسبب كل اللي حواليك دهوه. يعني سبب كل حاجة تسبب كل حاجة انتم فهمتم معي يا جماعة؟ فهمتم الابتلاء اللي الصحابة اتخطوا فيه؟ الصحابة مش زينا احنا مطلوب منا نسيب حاجات بس مش كل حاجة غلط. الصحابة كان مطلوب منهم ان - 00:26:27

وبيسيبوا كل حاجة. لان كل حاجة كانت حواليم غلط. لو انت اتطلب منك عشان الله تسبب كل حاجة. لو انت اتطلب منك عشان ربنا مولانا تسبب كل حاجة. تقدر؟ تقدر ولا ما تقدرش؟ امبارح كان عندي درس في راس البر فيعني درس لله يعني الواحد رايح يدعو الى الله سبحانه وتعالى. فالواحد قال لا - 00:26:47

ما يروحش كده يوقف شباب ويشوف موقف شباب من ضمن شباب اللي الواحد بيكلمه. نص ساعة قاعد اكلهم عن ربنا وعن الجنة وعن النار وعن الموت. يعني انا يعني انت ممكن تعرق وانت بتتكلم من كتر ما انت بتطلع من قلبك. وبعد كده يا جماعة انا معي شرايط. مين ياخذ الشريط بس بشرط؟ انه يسمعه عهد قدام ربنا يسمعه - 00:27:07

تخيلوا يا جماعة اللي حصل ايه! ولا واحد رضا ياخذ. هو بفضل الله فيه كتير جدا جدا بفضل الله بياخده. انما دول ولا واحد رضا ياخده. انا قلت سبحان الله! ده لو المغني في - 00:27:27

فين الفلاني اللي منزل اخر شريط له لسة قريب وقف قدامه وكلمهم. كانت راس البر كلها اتلمت عليه. ولو كلمهم وقال لهم خدوا الشريط بتاعي اسمعوه الشاب هيقول له هات ده من ايديك ده انا هاسمع كل اغنية فيه خمسمية مرة. يعني اللي جاي يكلمهم عن الله مش بالمقام بتاع اللي جاي يكلمهم في الاغاني - 00:27:37

بتاع فلان وبتاع فلان سبحان الله العظيم! سبحان الله! والله يا جماعة! الصحابة قدروا يا جماعة! الصحابة كانوا رجالة وقدروا. احنا فينا ناس ما قدرتش وفينا ناس قدرت بسم الله. عايزين نقتضي بالصحابة. يا حبيب قلبي انا عايز عزمك تبقى زي عزيمة الصحابة. يا اختي انا عايزك تبقي زي الصحابة كده رجالة كده يا شباب. يا شباب لازم نلحق نفسنا. يا جماعة - 00:27:57

فاحنا امتنا بتنهار. الشباب نايم طول طول النهار. وصاحي طول الليل لغاية ما ضحكنا العالم كله علينا. يا جماعة ما ينفعش اللي احنا بنعمله ده. قناة كذا بقت حادش قناة اللي بتعمل كلييات وبتاع وقناة كذا فاتحة لسة قناة كلييات جديدة انكر. ليه يا جماعة؟ ليه نوصل للدرجة دي؟ احنا اللي بنخلي الناس دي تشتغل علينا للدرجة ديت؟ سبحان - 00:28:17

والله العظيم الصحابة قدروا. قدروا ابو زر الغفاري رضي الله عنه خارج في غزوة تبوك اتأخر عن النبي. الحمار اللي كان راكبه كان ايه؟ كان حوار بطيء وعيان فكل شوية الحمار يقف يقف والنبي سبقه بكتير. ابو زر عمل ايه؟ ابو زر كان قدامه انه يرجع - 00:28:37

يجيب دابة تانية بس كان ممكن خلاص اللي ما بيلحقوش. ساب الحمار وطلع يجري. طب افرض ما لحقتش جيش النبي. ده انت

هتهلك. ده انت هتموت. يا جماعة الملهوف ما بيفكرش - 00:28:57

انا اعرف واحد صاحبي دخل يستحمى السخان بتاع الغاز ولع. الحمام بقى كله نار. امه دخلت وسط النار من لهفتها خدته وخرجت طب ليه ده وكانت ما بتفكرش الملهوف ما بيفكرش اهو بالزبط كده ابو زر ما فكرش ابو زر ملهوف على دين ربنا سبحانه وتعالى

جري - 00:29:07

من بعيد بقى واحد جاي بيجري. مين ده؟ مين اللي يعمل البطولة دي؟ مين اللي يجري في الصحرا الرهيبة دي ويضحي بعمره عشان

الجهاد في سبيل الله. كن ابا ذر - 00:29:27

كن ابا ذر فاذا هو ابو ذر انك تبقى عند حسن ظن رسول الله صلى الله عليه وسلم فيك. انك انت كده يوم القيامة كده جاي بقى ده

انت بقيت - 00:29:37

كده وانت بقيت اخت كده الوف التزموا على ايديك وايدك بقيتوا ابطال. زي ما فيه مفسدين في بلادنا الوف من الشباب فسدوا على ايديهم. انت الوف التزم على ايديك. وجاي كده للنبي ومعك الالوف دول كلهم. النبي من بعيد ايوة انت بالتأكيد فلان. فلان العقد وانت

ايوة يا رسول الله انا انت عارفتي - 00:29:47

انت عارف اخبار يا رسول الله! فتخيل يا حبيب قلبي! تخيل ابو زرا عثمان ابن عفان! لما جه جيش تبوك! سيدنا عثمان عايز يجهز!

يعني متخيل واحد مليونير عنده جروب استثمارية كبيرة معه ملايين ملايين. ومتخيل الجهاد احتاج فلوس. يقوم مطلع معظم

شركاته لله. عثمان جهز الجيش كله - 00:30:07

الله اكبر الرسول قال ما ضر عثمان ما فعل بعد اليوم. عثمان لا يمكن يضر يعني امن مستقبلك في علاقتك مع الله فاصبر اقبالك

الوقتي واستسمر حماسك في الدين واستسمر رمضان. واعمل حاجة تأمن علاقتك مع الله لغاية ما تموت. يا سيدنا ابن مسعود لما

شاف النبي في تبوك - 00:30:27

شايل دي البجادين وبيحفروا له القبر عشان مات وهو في الطريق. والنبي شايله بايديه من كتر حبه له. بيقول تمنيت لو اني مكانه

في شباب دلوقتي بيتمنى لو كان مكان المطرب الفلاني. او مواهبه طلعت زي الممثل الفلاني. او شكلها طلع زي الممثلة الفلانية. او

صوتها زي المغنية - 00:30:47

شوفوا ابن مسعود بيتمنى ايه؟ فين امانينا يا جماعة؟ يا جماعة ده انس ابن النضر شم ريحة الجنة وهو في الدنيا من كتر شوقه لها

ويقينه بها شمة وباع الدنيا وجري جاهد لغاية ما قتل. ده شمهها بس. امال لو كان شافها. عايزين يا جماعة نشم ريحة الجنة من واحنا

لسة في الدنيا. يا شباب يا شباب عايزين - 00:31:07

وابطال يا شباب. عايزين نبقى رجالة يا شباب. تخيل لو النبي قابلك في الموقف ده. وطلب منك تسبب كل حاجة. كنت هتقدر ولا

مش هتقدر؟ كنت هتقدر ولا مش تقدر عايزين نسيب لله عايزين نسيب عشان نقابل النبي يبقى احتفال مهيب يوم القيامة في زل

عرش الله على حوض رسول الله صلى الله عليه وسلم وكلنا فرحانين ببعض عشنا - 00:31:27

حياة الطاعة وفرنا وكسبنا. عارف اللي يقول لك الناجح يرفع ايده ارفع ايديك. وطير وانطلق وافرح. بتاعتك وصبرك على طاعة الله

سبحانه وتعالى الخامس بعد كده معنا تخيلات كتير. التخيلات كتير اوي يا جماعة. والله كلها ما تخيلات. كلها وقائع مؤكدة. كلها

حقائق - 00:31:47

بتسوقك بتسوقك على الواقع الرهيب اللي انت لسة مش عامل حسابه. تخيل لو مشى ايه ميشيل امبوسيل دي بقى جا لك مهمة.

انت مكلف دلوقتي انك من مصر للسعودية تقطع المسافة دي لوحدة. امش لوحدة. ازاى؟ ده الطريق مليون صحاري ممكن اموت فيها.

امشي لوحدة. ده الطريق مليون جبال وطوق. انا ما عرفش انا ممكن - 00:32:07

عودة غلط اهلك. امشي في طريق ما ارجعش تاني. انت حر. انت دي مهمة انت مكلف بها. ده الطريق مليون وحوش. ده انا همشي في

صحرا وممكن وحوش تطلع علي. طب اعمل ايه - 00:32:27

انت حر. امش هي دي المهمة اللي انت مكلف بها. تخيل! يا جماعة هو ده الصراط المستقيم يا جماعة. تخيل ان انت وانت ماشي كده

في الطريق ده فلقيت طرق كانت جميلة - 00:32:37

انت مش عارف تحود مينين ؟ انت خايف تحود حودة تضيع. يبقى مش ده الطريق الصريح. فانت رفعت ايدك وقلت يا رب. يا رب

انجدي يا رب. يا رب اهديني - 00:32:47

الطريق الصحيح يا رب متخيل قلبك بيبقى حالته ايه وانت بتستغيب بالله؟ اهو ده لازم يكون حالة قلبك وانت بتقول ايه؟ اهدنا الصراط اخطر كلمة بيقولها المسلم في حياته. وانت بتقول يا رب اهديني يا رب. يا رب اهديني. يا رب اهديني الطريق. انا يا رب

الطريق عليه وحوش. الشيطان - 00:32:57

شياطين الجن وشياطين الانس والستائر والطرق اللي على جانبي الطريق انا ممكن يتضحك علي يا رب. يا جماعة انتم عارفين يعني ايه اهدنا الصراط المستقيم. يعني ايه اهدنا الكلمة اللي احنا بنقولها كل يوم سبعتاشر مرة. على الاقل لو ما بتصليش غير الفرائض.

اهدنا الصراط المستقيم. اهدنا طب ليه مش اهديني - 00:33:17

لا اهدنا ما فيش حد بيوصل لربنا لوحده. لازم تبقى وسط مجموعة. لازم يبقى لك صحبة. لازم تبقى مصاحب ناس. اللي واحد ناس مش ملتزمة اللي بتصاحب بنات مش ملتزمة. يا بنتي ده نافخ الكير لو ما حرقكيش بالحديد والنار بتاعته هيشممك ريحة ما

تطيقهاش. يعني - 00:33:37

السوق دي صفقة خسرانة خسرانة. خسرانة من جميع الوجوه. والصحة الصالحة صفقة كسبانة من جميع الوجوه. من كل الوجوه كسبانة والله يا جماعة يعني انت واقف وسط مجموعة يعني انت وسط صحبة او عوا او عوا تتنازلوا عن الصحة الصالحة او عوا

جاهدوا لغاية ما يبقى عندكم صحبة صالحة. احرموا نفسكم - 00:33:57

اتعرفوا على ناس صالحين. اهدنا الصراط. يعني ايه؟ لما اقول لك عرفني الطريق او اهديني الطريق الى المستشفى غير لما اقول لك اهديني الى الطريق. اهديني الى الطريق. يعني عرفني المستشفى مينين يمين في شمال قدام ماشي خلاص. سلام عليكم عليكم السلام -

00:34:17

انما اهديني الطريق لأ ده انا واحد اعمى وماشي كدهو بعكس كدهو بقول لك ايه الله يخليك يا ابني اهديني الطريق الى المستشفى.

طب يا حاج يمين في شمال فوق يمين في شمال ايه يا ابني انا ما اعرفش - 00:34:37

يمين من شمال يا حبيبي. انت خليك معي خطوة خطوة طول الطريق للمستشفى. يعني انا باقول لربنا اهدنا الصراط. يعني يا رب خليك معي طول طريق يا رب لغاية ما اوصل لك. الله! خليك معي خطوة خطوة يا رب ما تسبنيش ولا خطوة. طب ليه ؟ اول حاجة.

لان لو ده خط مستقيم وانت عايز تمشي عليه - 00:34:47

فبدأت بزواوية انحراف خمس درجات في الاول انت مش هتلاحز في الاول ان في فرق. بس هتفضل تبعد تبعد تبعد لغاية بعد فترة

تلاقي نفسك بعدت اوي. وما عدتش تقدر - 00:35:07

ارجع. ثاني حاجة ان الشيطان واقف على الطريق ده بيقول لاقعدن لهم صراطك المستقيم. انا قاعد لهم طول الطريق. من اوله لآخره من ساعة ما هيتولدوا لغاية ما هيموتوا يعني ايه ؟ تخيل الشيطان الوحوش بتاعة الطريق بقى. الشيطان قاعد لك الشيطان مش

هيسيبك. انت متخيل المنزر معي؟ متخيل خطورة الموقف معي - 00:35:17

والشيطان واقف على الطريق. غير ان الطريق على اليمين والشمال ابواب جانبية متغطية بستائر. الله! والوقت بقى جايين على الستائر كمان شاشات عرض كده عشان يوريك اللي وراها. وانت معدي جنب ستارة سمعت ولد بيكلم بنت وبيضحكوا مع بعض. ايه

ده! ايه اللي العيشة الجميلة دي! الستارة اللي بعدها سمعت شريط اغاني طالع وياه بقى! والدرامز - 00:35:37

غلو الصاجات الله اكبر. البتاعة اللي بعدها الستارة اللي بعدها سمعت شلة اولاد وبنات وقاعدين يضحكوا وقاعدين يجروا وقاعدين يلعبوا. ايه العيشة دي اوعى تتخدع. انك ان تفتحه تلج. اوعى يتضحك عليك. اوعى تبص كل دول مخدوعين يا جماعة. هتلاقي

شوية شباب واقفين قدام الستائر - 00:35:57

وشاشات العرض اللي من برة مبهورين بالمنزر اللي بيعرض. اوعى تنبهر. اوعى يدحك عليك والله العزيز. اوعى تدخل. اوعى تضل

الطريق. قل له اهديني يا رب خليك معي عشان ما احوذش. خليك معي عشان ما انحارفش. خليك معي عشان ما يتضحكش علي.
يكتبوا لي على ستارة كماله الطريق المستقيم - [00:36:17](#)

على اناي بكمل وانا انحرفت عن طريقك يا رب. اهدنا الصراط المستقيم. خليك معي طول الطريق يا رب. مدركين معي يا جماعة
مدركين خطورة الموقف. مدركين كلمة اهدنا الصراط المستقيم كلمة خطيرة ازاي. وربنا سماه الصراط. عشان تفتكر صراط الاخرة
اللي تحته جهنم. اللي ما تقدرش - [00:36:37](#)

بتوصل للجنة الا اما تعدي عليه. اللي لو وقعت من عليه مش هتلاقي تحته غير جهنم ما فيش حاجة غير النار تحته. عشان تفتكر ان
الموضوع خطير. وان الموضوع ما فيش فيه تفاهم ولا تهاون - [00:36:57](#)

يا جماعة ده دين يا شباب يا شباب ده مش بنطلون متسقط انت شفته في فاترينة ونفسك تشتريه. بس ما عكش فلوس وفزلت
شوية. يا اختي في الله. ده مش شاب كويس - [00:37:07](#)

وكان نفسك يتقدم لك بس ما تقدمش. يا حبيب قلبي دا مش بنت جميلة وكان نفسك تمشي معها. وما عرفتش تمشي معها ومشيت
مع غيرك. يا جماعة دا مش مادتين الواحد شالهم وهيقعد عليهم - [00:37:17](#)

هو يقعد يزعل شوية. لا يا جماعة ده دين. ده جنة او نار. يا جماعة دي قضية اخطر قضية في حياتك. كل دي مشاكل الدنيا حقيرة.
انما جنة او نار لا - [00:37:27](#)

جنة او نار. نار اقل اهلها عذابا. رجل توضع بين اصبعين من اصابع قدمه جمرتان. تغلي منهما دماغك ابعد حنة عن رجليه دماغه
بتغلي اومال باقي جسمه. يظن انه اشد اهل النار عذابا. وهو اقل اهل النار عذابا. او جنة. جنة يا سيدي يا - [00:37:37](#)

تخيل لو قلت لك هات مية جنيه هاطلعك رحلة اسبوع في الهيلتون اوبنجوفتر وغدا وعشاء. وفي طيران كمان هتطلع لك آآ يوم
مارينا ويوم دبي وتحضر لك شوية حفلات هناك - [00:37:57](#)

وهتيجي وفي عربية مكيفة لتحركاتك الخاصة لوحدة. ايه ده يا عم ميت جنيه ده ولا عشرين الف جنيه يجيبوا الكلام ده. اهو تخيل
والله العزيز اقل ان يعني انت ممكن انت ممكن بصدقة اقل من كده. ممكن بركتين تاخذ اضعاف مضاعفة من اللي انا بقول لك عليه
ده هو في الجنة. الجنة سهلة يا جماعة. الجنة سهلة بس - [00:38:07](#)

الصدقة ان هي عايزاها. الجنة سهلة. رضا ربنا سهل. بس عايز واحد نفسه يرضيه. يا جماعة اخطر جريمة بنعملها في حياتنا مش ان
احنا بنعصيه لا لا لا لا اوعي تفتكري ان اخطر جريمة انك تعصيه. اخطر جريمة انك تزهدي فيه. اخطر جريمة انك تفتكر انك تعرف
تعيشها لوحدة - [00:38:27](#)

اخطر جريمة انك انت تحسب انك ممكن تعيش في الدنيا وتكبر وتنجح وانت من غيره. دي اكبر جريمة. ان احنا نفتكر ان احنا نقدر
نعيش في الدنيا دي من غيره - [00:38:47](#)

اي والله العظيم يا جماعة. تخيل تخيل لو انا عايزك تتخيل معي لو واحد عمل واحد احنا بنعمل معاصي كثير. لو معصية من اللي انا
باعملها واحد تاني عملها ومات. واتعزب في جهنم بسبب المعصية دي. وربنا وراني العذاب اللي هو اتعزبه بسبب نفس المعصية اللي
انا باعملها. والراجل ده ربنا - [00:38:57](#)

انه يخرج من جهنم ويحكي لي ايه اللي حصل فيه بسبب المعصية اللي انا باعملها. ومقيم عليها لغاية النهاردة هيبقى احساس ايه؟
هاقدر ان انا اعمل المعصية دي تاني ان انا اقع فيها دني. تخيل يا حبيب قلبي. تخيل ان انت يا جماعة الدنيا دي عاملة زي قصر مليون
مجوهرات. مليون. مجوهرات ايه بقى؟ حاجة - [00:39:17](#)

حاجة من فوق مجوهرات. فقلت لك قدامك خمس دقائق ادخل القصر. عبي مجوهرات على قد ما تقدر. على قد ما تقدر. بس اول ما
الخمس دقائق يخلصوا. بالسانية ممنوع انك انت تاخذ اي مجوهرات. ان شا الله تجيب عربية نقل وتنقل. اول ما الخمس دقائق بدأم
باب القصر اتفتح طلعت تجري من الجنية. وانت بتجري بتجري لقيت عربية - [00:39:37](#)

النص فخمة! ايه ده! ايه العربية الخطيرة دي! الله! ده ميتانيك! الله الله الله! الله! ده بارا! الله! ده فول اوبشنز! ايه يا عم العربية! العيشة دي

فتحت الباب وجاي تدخل وتتفرج من قدام وورا وجوة ده هم خمس دقائق سبت العربية وطلعت تجري تجري وانت بتجري عشان تدخل من باب القصر لقيت واحدة جميلة زي - [00:39:57](#)

قمر كده وواقفة وبتبص لك وكمان بتتحل لك. بتضحك لك. الله! ايه ايه البنت الجميلة دي! الله الله الله! لو الواحد يتجوز واحدة زي دي وكمان ايه بقى عاملة لها - [00:40:17](#)

شعراية موزمبليه بقى عشان ايه الموضوع يبقى كله ضارب في بعضه بقى. وانت طبعا مش هينفع موزمبليه من غير فالجل خمس اتجاهات انت كمان وبتبص كده ومبهور بها ايه ده! ايه المنزر ده! وفجأة ده هم خمس دقائق سبتها وطلعت تجري! بتجري! وداخل من باب القصر! بس! ايه! الخمس دقائق خلصوا! ازاى - [00:40:27](#)

المرأة اتشدت ازاى؟ خلاص طب ربع دقيقة ولا ولا عشر سواني. طب خمس سواني ولا سانية واحدة. يا جماعة اهو الاصل ده هو الدنيا. والخمس دقائق طول عمري وعمرك واكل يا جماعة. والمجوهرات دي اللي احنا جايين نعدي عشان المجوهرات دي رمضان اللي جاي بعد ايام. المجوهرات دي شعبان اللي النبي ما ما كانش بيضيع فيه - [00:40:47](#)

يمكن ولا يوم من غير صيام. المجوهرات دي القرآن وقيام الليل. المجوهرات ده انقابك. المجوهرات دي طاعة الله سبحانه وتعالى. المجوهرات الدعوة الى الله. انك تلف على كل وكل صاحبائك قبل رمضان تقول لهم رمضان لسة عليه ايام يلا يا جماعة. يلا نقوم ونتوب ولنلتزم ونسمع شرايط. ونسمع عن ربنا سبحانه وتعالى. ده النبي - [00:41:07](#)

عليه الصلاة والسلام كان قاعد ومعه الصحابة ملفوفين حواليه. فجأة ثلاثة. فواحد قعد في النص. وواحد قعد ورا وواحد مشي النبي عليه الصلاة والسلام قال لهم الا ادلكم على خبر الثلاثة؟ اما هذا اللي قعد فاوى الى الله. فاواه الله. واما هذا اللي - [00:41:27](#) فاستحيا من الله فاستحيا الله منه. كسف من ربنا يعني. واللي مشي واما هذا اللي ما رضاش يسمع. واما هذا اللي كبر اللي ما رضاش يسمع كلام ربنا سمع كل الشرايط وكل الاغاني ومش راضي يسمع لربنا. واما هذا فاعرض عن الله - [00:41:47](#)

عرض عنه الله. تقدر تعيش وربنا معرض عنك؟ تقدر تعيش وربنا سبحانه وتعالى ما وراض عنك؟ تخيل لو تخيلاتنا كتير يا جماعة تخيلاتنا الليلة النهاردة مع بعض كتير جدا. انت متخيل في سورة قاف سورة قاف وجاءت سكرة الموت بالحق. ذلك ما كنت منه تحت. فجأة الموت. كل دي - [00:42:07](#)

الايات دي مفاجآت مفاجآت. خطبات خطاط. جاءت سكرة الموت بالحق. الموت جه فجأة. وجاءت سكرة الموت بالحق. ذلك ما كنت منه ونفخ في الصور ذلك يوم الوعيد. فجأة القيامة قامت والحساب. وجاءت كل نفس معها سائق وشهيد. فجأة المحاسبة على عمل عمل - [00:42:27](#)

لقد كنت في غفلة من هذا فجأة العتاب من الله سبحانه وتعالى. لقد كنت في غفلة من هذا فكشفنا عنك غطاءك. الشلن اللي كنت قافل به عينيك. فبصرك اليوم حديد. وقال قرينه هذا ما لدي عتيد. ايه ده! انت مين؟ انا اللي كنت بضحك عليك وباخدعك طول عمرك. مفاجأة - [00:42:47](#)

ايه ده! انا كان بيتضحك علي طول عمري. القيه في جهنم كل كفار عنيد. حكم نهائي صدر من الملك. اترمى في جهنم ازاى؟ منع للخير معتد مريب الذي جعل مع الله الها اخر فالقيه في العذاب الشديد تغليظ العقوبة والاحكام. قال قرينه ربنا ما اطغيته ولكن - [00:43:07](#)

ففي ضلال بعيد. قال لا تختصموا لدي وقد قدمت اليكم بالوعيد. انتم مش سمعتم؟ انتم مش اتفرجتم؟ انتم مش عرفتم الدين وعرفتم قال الله قال رسول الله صلى الله عليه وسلم لا تختصموا لدي وقد قدمت اليكم بالوعيد ما يبدل القول لدي وما انا بظلام للبعد. اسمع بقى - [00:43:27](#)

والعاصي واقف قدام ربنا وهو مرعوب والمفاجآت طخ طخ طخ على دماغه مش قادر يفوق من كثر المفاجآت والصدمة ينظر الله الى النار يوم نقول لجهنم. ايه ده! وانت واقف قدامك كده النار تتكلم. هل امتلأت؟ انت مستني طبعا ان النار تقول يا رب خلاص امتلأت عشان انت تنجو - [00:43:47](#)

تلاقي النار بتقول هل من مزيد؟ هل من مزيد؟ ده انا ده انا اللي علي الدور. كوباية مية وواحد جبت له كوباية مائة شربها وعطشان بيقول لك هل من دي عطشانة للعصاة. جعانة لتحطيم اجسادنا صحتهم لي يا رب. هات لي اللي عصوك يا رب. هات لي اللي اعرضه عنك يا رب وسيبهم لي يا رب. وتقول - [00:44:07](#)

من مزيد ووسط الموقف الرهيب دهو كله وازلفت الجنة. الله اكبر وازلفت الجنة للمتقين غير بعيد. شف طب ايه والمتقين في ايه ؟ انا عايزك تتخيل معي موقف وحيل بينهم وبين ما يشتهون. كما فعل باشيء - [00:44:27](#)

من قبل. انت عارف يعني ايه حيل بينهم وبين ما يشتهون؟ الموقف ده يا جماعة ممكن يكون ناس مش يعني يعني معتقد ان معناه ان هو ما عدش هيشرب مية. ما عدش - [00:44:47](#)

لنشوف المية. لا يا جماعة. حين يعني تبقى قدامك. تيجي تمد ايدك عليها خلاص ما عدش ينفع. ما عدش ينفع ازاى؟ اهو ده يا جماعة انك تشوفها قدام عينك وما حدش ينفع. انا التخيلات كتير ولكن احنا وقتنا خلاص يا جماعة. وقتنا جه للآخر الوقتي. فيعني يعني يعني اتخيلنا حقائق - [00:44:57](#)

كلها حقائق. تخيلنا مع بعض ان احنا في امتحان واحنا في امتحان. احنا في امتحان حالا اهو. اول ما الحلقة دي تخلص تعاملوا تعامل اللي في امتحان. ما تقوموش تلعبوا يا جماعة - [00:45:17](#)

ما تقوموش تنام قم اشتغل قم جابو. قم خلي وسطك على الورقة كده واقعد جابو. واتخيلنا لو النبي جه وشاف اللي انت بتعمله وهيشوف اللي انت بتعمله على الحوض تخيلنا لو كنت رابعهم في الغار وكلنا رابعهم. كلنا عايزين صخرة المشاكل في حياتنا تتحل من حياتنا. وتخيلنا واحنا بنقول اهدنا الصراط المستقيم. واقفين وسط وحوش - [00:45:27](#)

استقبال وسط صحرا وعايزين نوصل واحنا كده يا جماعة هو ده وصف الصراط المستقيم. وتخيلنا مع بعض مواقف من الاخرة وتخيلنا واتخيلنا لو النبي عليه الصلاة والسلام طلب منك انك تسبب كل حاجة عشان ربنا. هتقدري تعملي كده ولا لا؟ جينا لنهاية الحلقة يعني قبل ما اغادركم الوقتي معنا توصيات سريعة. يا جماعة - [00:45:47](#)

يا جماعة خلاص رمضان عليه ايام ومن اول الحلقة الجاية ان شاء الله بازن الله الكلام بتاعنا هيبقى كله عن رمضان. ملف رمضان من اول الحلقة الجاية ان شاء الله سواء في البرنامج بتاعنا - [00:46:07](#)

او على الموقع موقع الله. ان شاء الله هيبقى الملف مفتوح. خدوا بالكم انا كنت باقول لكم قبل كده من الاخبار الجميلة قوي. كنت باقول لكم قبل كده ان اكتبوا الله - [00:46:17](#)

تبقى اتنين مش تي اوه او اكتبوا الطريق الى الله على جوجل. الوقتي والله حاجة تخليك تبكي. الوقت بفضل الله لو انت من مصر كتبت بس على جوجل الله اول نتيجة هتيجي لك هو الموقع. الطريق الى الله. يعني تخيل ان اي حد في مصر عايز يعرف ربنا بقى والله يا جماعة كان يعني يعني حاجة - [00:46:27](#)

خلي دموك تسيل اصلا على خدودك. يعني يا رب انت خليتني من من البوابات اللي ممكن الناس يعني ده مش انا انا قصدي يعني اللي هم الشباب اللي ماسكين الموقع ربنا يبارك فيهم. يا رب يعني ده بيقى طريق - [00:46:47](#)

يا رب سبحان الله العظيم. يا جماعة احنا عايزين بقى نشد حيلنا في رمضان. انا قلت لكم المرة اللي فاتت كلام عام. لأ المرة دي بسرعة ورقة وقلم معي الله يخليك. ورق ولا معي يا حبيب قلبي - [00:46:57](#)

اكتب معي جدول العبادة ده لغاية ما نتقابل الاسبوع الجاي بقى. الوقت ده البروفة. الاسبوع ده الاعمال دي البروفة. الاسبوع الجاي بقى واللي بعده هندي بقى برامج خطيرة ان شاء الله عشان رمضان - [00:47:07](#)

اول حاجة اول حاجة جزء قرآن يوميا يوميا. اقراه امتى عشان ارتب وقتي ويومي؟ اقربه في جلسة الضحى. بيقى جلسة الضحى حج وعمره معجوز القرآن يومين. خلاص؟ ويبقى لك ساعة يوميا لذكر الله. تقعدني تسبحي وتستغفري. وتحمدي وتهللي وتذكري الله سبحانه وتعالى. بيقى - [00:47:17](#)

جزء قرآن في جلسة الضحى ده رقم واحد اكتبني بالله عليك. البروفة الجميلة دي عشان رمضان نيجي بقى ندخل سخنين بقى. ثاني

حاجة ورد الذكر اليومي تسبيح واستغفار وازكار صباح ومساء. طيب. تالت حاجة سماع شريط يوميا. وبالزات عن رمضان. او عن

الاخرة او عن الله. شريط يشحن كده - [00:47:37](#)

اوعوا يا جماعة ما تسمعوش. واما هذا فاعرض عن الله فاعرض عنه الله. اوعى تعرض عن الله. اللي ما بيسمعش ده معرض عن الله. اللي مش راضي يسمع ده طبعاً مولاه سبحانه وتعالى سماع شريط يوميا. مسلاً قل بعد المغرب كل يوم او حضور درس في المسجد.

رابع حاجة يوم الحد اللي جاي ده تلتاشر - [00:47:57](#)

وخمستاشر. فاكرين ولا لا؟ الحد واللاتين والتلات. تلاتاشر واربعتاشر وخمستاشر. يبقى اذا يا جماعة ان شاء الله اوعوا تنسوا التلات والمفروض ان احنا نصوم ان شاء الله ونجتهد في الصيام الايام الجاية. طيب وبعد كده بعد التلات تيام دول ابعتوا مسجات ورسايل

وكلموا بعض في في التليفون عشان تفكروا بعض - [00:48:17](#)

واللي ماسك مواقع نت يكتبهم على الموقع واللي هيطلع في برنامج قناة فضائية يقولهم في القناة الفضائية. بحيس ان يا جماعة ننشر ننشر فكر العبادة. طيب وبعد كده بعد كده يا جماعة يبقى قلنا سماع درس يومي سماع شريط يومي وجزء قرآن في جلسة

الضحى ورد ذكر يومي ساعة - [00:48:37](#)

تكبيرة الاحرام في الخمس فروض. بالزات صلاة الفجر مع التناشر ركعة سنن رواتب. وساعة قيام ليل. بس فيه حاجة اسهل من كده صوم تلتاشر ربتاشر وخمستاشر. دي البروفة بتاعتنا الى ان نلتقي المرة القادمة باذن الله سبحانه وتعالى. اقول قولي هذا واستغفر

الله لكم لي ولكم. اللهم بلغ - [00:48:57](#)

ان رمضان قولوا امين. اللهم بلغنا رمضان. اللهم بلغنا رمضان. واملأ حياتنا فيه بطاعتك ليلاً ونهاراً يا رب العالمين بلغنا ليلة القدر

وارزقنا قيامها على اكمل واتم واجمل واحسن وجه يا رب العالمين. يا رب املأ حياتنا بطاعتك ورضاك - [00:49:17](#)

امين امين امين. اقول قولي هذا واستغفر الله لي ولكم. سبحانك اللهم وبحمدك. اشهد ان لا اله الا انت. استغفرك واتوب اليك خمسة ونص ان شاء الله الخميس الجاي - [00:49:37](#)